

Fobitro Injil Shorif 10 nombor sifara al-Ifisia Forisiti

Fobitro asmani kitabor ou sifara Allar hukume leksoin, Hozrot Isa al-Mosir sahabi Hozrot Paulus (ra:). Hozrot Isae behesto toshrif neoar onuman 27 bosor bade ikan leka oise. Allar kalam toblig korae tain ou shomoe zel kanat bondi asla.

Ifis tauno boshot korra Hozrot Isar ummotre utshaho dibar lagi tain sitir akare ou sohifa leksoin. Tain age ou tauno tin bosor roia zomat tiar korsoin. On taki bidae bala tain koisla, "Mono rakba, ami tin boros doria rait-din soukor fani falaia afnarare hushiar korte dom loisi na." (Sahabi Nama 20:31)

Ou sohifar mul boean oilo, Alla Pakor batuni munsha zair oa. Lekoke koira, Allar oada kora al-Mosir mazdi hou batuni munsha okon zair oise. Al-Mosie toshrif anar age kali Boni Israil zati asil Allar kas proza, oile tain aia hari duniar tamam zatir loge Alla Pakor milon gotaisoin. Tan nazor zan kurbandi dia hoqolre ek shoman odikar faoar fot kori disoin. Ou sohifar maze fakfobitro zindegi katani ar Iblisor birudde zuddo korar kotao zanail oise.

Ermaze ase,

- (1) Salam, dua ar shukria *1 ruku*
- (2) Hozrot Isar usillae Allar noea proza *2-3 ruku*
- (3) Allar nure noea zindegi katano *4:1-6:9 aeat*

(4) Allai atiardi Iblisor loge zuddo ƙoro 6:9-24

¹ Ami Paulus, Alla Pakor morzi mafik Hozrot Isa al-Mosir eƙzon sahabi. Ifis ƙaunor maze al-Mosir torikar pak bonda ar mumin oƙolor gese ami Pauluse ou sohifaƙan leƙram.

² Amrar gaibi baf Alla Pake ar Hozrot Isa al-Mosie afnara hoƙolor ufre rohomot ar shanti nazil ƙoroukka.

Hozrot Isa al-Mosir mazeu rohomot

³ Alla Pakor tarif ouk, tainu Isa al-Mosir Alla ar tan gaibi baf, ar ou Hozrot Isau amrar malik. Alla Pake to al-Mosir usillae asmanor forteƙ nomunar ruhani rohomot amrare dan ƙorsoin.

⁴ Alla Pakor dorbaro amra zate fak-fobitro ar nikut oitam fari, ou kiale tain i dunia foedar ageu, nizor maea-mohobbote al-Mosir usillae amrare fosond ƙorsoin.

⁵ Allae tan nizor morzi ar nizor kushie ageu ƙikoria raƙsoin, zate Isa al-Mosir usillae amrare tan afon aolad hishabe ƙobul ƙorba.

⁶ Allae ita ƙorsoin, zate tan ƙas maear zon Isar usillae amrare zoto forimane rohomot ar mohima dan ƙorsoin, otae tan tarif oe.

⁷ Al-Mosir fobitro kurbanir usillae tan lour bodla amra gunar shaza taki ƙalas faisi, amra ou mafi faisi, ita to Alla Pakor ƙas rohomot.

⁸ Ou rohomot to Allae tan ƙas aƙol-hekmote amrar ufre ɗalia disoin.

⁹ Tain age taki zelaƙan kial ƙorsla, al-Mosir mazdi zeta ƙorar niot ƙorsila, ou kial-kushir hokkol batuni befar tain amrare zanaisoin.

¹⁰ Tain to ageu oƙan ƙikoria raƙsila, zate shomoe fura oia harle, tan afon morzi mafik

asman-zominor hokkoltare eḡano ḡoria, al-Mosir aotae anba.

¹¹ Allae tan nizor aḡol-insaf dia nizor morzi mafik hoḡol ḡam ḡoroin. Tan munsha mafik tain ageu zeta tiḡoria raḡsila, hou munsha mafik tain amrare fosond ḡorsoin al-Mosir usillae tan ḡas bonda oar lagi.

¹² Erlagi amra zera ag takiu al-Mosir ufre borosha ḡortam, ou amrar mazdiu zate Allar gourob-mohimar tarif oe, ou kialeu tain amrare fosond ḡorsoin.

¹³ Ar afnarao Allar hok kalam, mani nazator kush-ḡobri faia al-Mosir ufre iman anchoin. Al-Mosir ummot oae Alla Pake tan oada ḡora Pak Ruh dia afnaintore sil-sappoḡ marsoin.

¹⁴ Te zeta manshore Alla Pake tan nizor shompod ḡoia ḡakisoin, erare tain eḡta odikar dibar oada ḡorsoin. Erlagi zotodin forzonto era furafur ḡalas na oisoin, otodin forzonto ou odikaror foela kishti hishabe erare Pak Ruh dan ḡorsoin. Ar ou hokkoltar mazdi Allar gourob-mohimar tarif oibo.

Hozrot Paulusor shukria ar munazat

¹⁵ Te Hozrot Isar ufre afnara iman anchoin ar Allar hoḡol bondareu afnara maea-mohobbot ḡorra, ou ḡobor ami zebbla hunlam,

¹⁶ hunar bad takiu, ami afnarar lagi Allar dorbaro shukria adae ḡora kunu shomoeo bond ḡorsi na. Ami zebbla munazat ḡori, i shomoe afnaintor ḡota fauri na.

¹⁷ Ami Allar dorbaro aroz ḡori, amrar malik Isa al-Mosir Allae, zalal ar shanala gaibi bafe afnaintore ruhani aḡol ar buzar ḡemota deukka. Teu afnara aro balamonte tanre sinba.

¹⁸ Ami aro munazat qoriar, afnarar dilor souk kuli zauk, teu Allai daot faia afnarar dilor maze ze eshki foeda oise ota aro balamonte buzba. Erloge eoqano buzta farba, Allar dorbaro tan pak bonda oqol qoto boꝛo shompotti.

¹⁹ Ar amra zera tan ufre iman anchi, amrar dilor maze qoto boꝛo shoktie qam qorer. I shokti oilo, tan kudrotor mohashokti.

²⁰ Ou shoktir bolev tain al-Mosire moꝛa taki zinda qorsoin, ar behestor arshe-azimo tan qainor toqto nia boaisoin.

²¹ Asmanor hokkol nomunar qemota, shashon, shokti, ar bahaduri zarar ato ase, era hoqolreu tain al-Mosir tole raqsoin. Ar zare ze nameu qaca oe na qene, ita i zogotor ouk ba aqeri zogotor ouk, hokkol namor ufre Isa al-Mosir nam.

²² Allae hokkoltareu al-Mosir aotae raqsoin. Manshor mata zela tar shorilor bashsha, al-Mosire ola zomator mata, mani bashsha hishabe boail qorsoin.

²³ Ar i zomat oilogi al-Mosir shoril. Zein asman-zominor hokkoltare shullo-ana furafur qorsoin, ou al-Mosie zomatre furafur qoroin.

2

Mora zindegı taki zita oa

¹ Tumra to guna ar naformanir maze moꝛa aslae.

² Zogotor babor maze foꝛia tumrao eq shomoe hou naformani ar gunar fote sola-fira qortae. Ze bod ruh asmanor hoqol taki shoktiala raza, hou bod ruhe naforman oqolor bitre qam qore, ar tumrao hou bod ruhur murid aslae.

³ Amra hoqoleu eḡ shomoe gunar shobabor gulam bonia, ota naforman manshor laḡan zindegı kaḡaitam. Ou bod shobab taki ze bod kaish amrar dilo aito, amra ola ḡam ḡortam. Ar ou ḡam-ḡazor lagi hota manshor laḡan amra-o Allar gozobor laḡ aslam.

⁴ Oile Alla Pak to rohomotor banḡar; tain amrare kub beshi maea-mohobbot ḡoroin.

⁵ Erlagiu naformani ḡoria amra zebła mora zindegir maze habu-ḡubu kaislam, hou shomoe al-Mosir loge tain amrare zinda ḡorla. Allar rohomote tumra rehai faiso.

⁶ Amra al-Mosir loge asi, erlagi Allae amrare al-Mosir loge zinda ḡoria, tan loge ḡori bebestor bitre boaisoin.

⁷ Tain ita ḡorsoin, zate tan moha-mulloban rohomot oḡol zuge zuge siroḡal deḡaita faroin. Al-Mosir usillae tain amrare ze doya ḡorsoin, ou doyar mazdi tan i rohomotor ḡota zair oise.

⁸ Allar rohomote iman anae tumra naḡat faiso. Ita tumrar nizor kunu amolor fol nae, ḡali Allar deoa dan.

⁹ Ita to kunu nek kamor bodla nae, zate ḡeu kunu laḡan boḡai ḡorto na fare.

¹⁰ Amra to Alla Pakor ator foeda. Tain al-Mosir ummot hishabe amrare hirbar noea ḡori foeda ḡorsoin, zate amra nek kam ḡori. Ou nek kam tain age takiu ḡik koria raḡsila zate amra ola zindegı kaḡai.

Hozrot Isar hoḡol ummot eḡ

¹¹ Zonmogoto babe tumra oilae bidormi zatir manush. Manshor at dia zarare shorilo mosolmani ḡorail oise, era ḡoira, tumra bule mosolmani ḡoraiso na.

¹² Te mono rakio, age to tumra al-Mosir ges taki horail aslae; tumra aslae Allar fosond qora Boni Israilor bairor manush. Allae Boni Israilor loge milonor zoto laqan usillar oada qorsoin, itar loge tumrar to kunu shomporko asil na. Tumrar kunu ashao asil na; tumra aslae i duniat Alla saqa zati.

¹³ Ek kotae, tumra Alla taki duroi aslae. Oile oqon Isa al-Mosir ummot oae, tan kurbanir lour usillae tumrare Allar daro ana oise.

¹⁴ Tainu amrar shanti. Israil zati ar bin zati, hokkolre tain ek korsoin. I duio zatir maze dushmonir ze oal asil, i oalre tain bangia surmar qorsoin.

¹⁵ Ar solibor ufre nizor qaeare kurbania dia, tain Musa nobir shoriotor hoqol hukum-ahkam ar ain-qanunor qemotare batil qorsoin. Tan ila qorar qaron oilo, tain saila, ou duiota dia tan nizor noea ek zati foeda qorta, zate ou zatir mazdi i duio dolor maze shanti oe.

¹⁶ Ar tain saila, solibor ufre tan nizor zan kurbanir usillae, ou duio dolre tain eqano qoria Allar loge milon goqaita. Erlagi ou duio dolor maze dushmonir ze bab asil, i dushmonire tain ekkebare miqai disoin.

¹⁷ Tumra ek shomoe Alla taki duroi aslae, ar Boni Israil oqol qasat asla, oqon tain aia ou duio dolor geseu shantir kush-qobri toblig korsoin.

¹⁸ Er fole tan usillae amra duio dol Pak Ruhur mazdi, amrar behesti baf Alla Pakor dorbaro azir oitam fari.

¹⁹ Erlagiu tumra oqon bairor manush nae, bin zatio nae. Borong Allar qas bonda oqolor loge tumrao Allar bashshai ar tan foribaror shodoishsho bonigeso.

²⁰ Sahabi ar nobi oqol oila tan goror kuçi, ar Hozrot Isa al-Mosir oila mul ian kuçi. Ou kuçir ufreu tumrare goça oise.

²¹ Al-Mosir loge zuça lagae, asta goror hoqol ongsho ekloge milia ekan fobitro gor tiar oise.

²² Tumrao aia tan loge zuça lagso, mani tan ummot oiso, Erlagi tumrareo ekloge goçia tula or, zate Pak Ruhur mazdi i goror maze Allar boshot qana oe.

3

Bin zatir lagi Hozrot Paulus

¹ Ou qarone ami Pauluse Allar dorbaro dua qoriar. Ar tumra zara bin zati, tumrare Isa al-Mosir torikar daot deoar lagiu ami oqon zelo bondi oisi.

² Tumra nichoe huncho, Allae amare ou qas daeitto disoin, tan rohomotre ami tumrar ato fosai ditam.

³ Allae tan nizor batuni munsha ohir mazdi amare zanaisoin, ar ou befarqan ami tumrar gese shongkefe leqlam.

⁴ Ikan forle tumra buzbae, al-Mosir befare ou batuni bishoe buzar qemota amar ase.

⁵ I batuni befarqan sahabi ar nobi oqolor gese zela Pak Ruhur mazdi oqon zair or, agor zomanar kunu manshor geseu ila zair oise na.

⁶ Ar i batuni befar oilo, Injil shorifor kush-qobrir mazdi bin zati oqolo Isa al-Mosir loge ek oia, Boni Israilor loge Allai odikaro shorik oe, hoqol ek shorilor ongsho oe, ekoi oadar duar bagi oe.

⁷ Allae tan moha kudrotor bole amare rohomot dan qorsoin, ar zela rohomot faisi, ola kush-qobri tobligor daeitto adae qorram.

⁸ Allar hokkol bondar maze ama taki huru ar keu nai, ta-o al-Mosir ze donor qota shullo-ana buza zae na, ou mulloban donor kush-qobri bin zatir gese tobligor daeitto amar ufre disoin, itau Allar rohomot.

⁹ Ar tan batuni munsha kila qamo lagail zae, ikan zair qorar baro tain amar ufre disoin. Zein asman-zomin hokkolta foeda qorsoin, hou Allae otodin doria ita batuni raqsila.

¹⁰ Tain ita batuni raqar qaron oilo, asmanor hoqol raza ar qemota-ala hoqolor gese, Allar nanan nomunar aqol-hekmot al-Mosir zomator mazdi oqon kula-mela oe.

¹¹ Tan nizor siroqalor munsha mafik ita oise, ar ou munsha-morzi amrar malik Isa al-Mosir mazdi fura qorsoin.

¹² Tan loge shorik oia imanor bole, bukut shaosh rakia Allar samne amra azir oar eqtiar faisi.

¹³ Erlagi ami tumrare minot qoriar, ami duk-mosibot shoiqjo qoriar dekia tumra nirash oio na. Ita to tumrar lagi shoiqjo qoriar, erlagi gourob qoro.

Mumin oqolor lagi munazat

¹⁴⁻¹⁵ Te asman-zominor hoqol zandarre zein foeda qorsoin, ami aqo garia hou batuni bafor samne munazato boisi.

¹⁶ Ami dua qori, Allae zanu tan oshesh kudrotor bole tumrare omon bol-shokti dein, zate Pak Ruhur mazdi tumrar dil mozbut oe,

¹⁷ ar imanor usillae al-Mosie tumrar dil furafur doḡol ḡoroin. Ami dua ḡori, tumra zanu Isa al-Mosir mohobbotor maze furafur ḡub dia tir ro.

¹⁸ Teu hoḡol pak bonda oḡolor loge tumrao buzbae, al-Mosir mohobbotor kunu kul-kinar nai, kunu shesh-shima nai.

¹⁹ Ou ze mohobbot furafur buzar oshaiddo, ami dua ḡoriar, i mohobbotre zanu tumra sino, sinia hari tumrao Allai hoḡol nomunar gunagun hasil ḡoria furafur kamil o.

²⁰ Ashole Allar ze kudroti bole amrar dilor maze ḡam ḡore, hou bolor usillae amrar sinta-babna ba saoa-faoa taki aro bout beshi ḡam tain ḡorta faroin.

²¹ Hozrot Isa al-Mosir mazdia ar zomator mazdiao zug zug dori hor-hamesha Alla Pakor tarif ouk. Amin.

4

Eḡ roiao nanan ḡam

¹ Amar malik al-Mosir lagi ami zelo bondi asi. Ou bondi halote ami tumrare minot ḡoriar, ze ḡamor lagi Allae tumrare daot disoin, tumra er ufozukto oia solo.

² Tumrar asar-bebohar zanu furafur miṡa ar norom oe. Forteḡe sobor ḡoro ar dilo mohobbot rakia eḡe-oinnore shoiḡjo ḡoro.

³ Al-Mosir ze shantie amrare eḡano zuṡa la-gaise, hou shantir bole Pak Ruhur deoa eḡota rokkar lagi dile-zane seṡa ḡoro.

⁴ Allae tumrare tan fote daot disoin ḡoria tumrar maze ḡali eḡan asha ase, ḡali eḡ shoril ar eḡzon Pak Ruh asoin.

⁵ Eḡ iman, eḡ torikabondi ar eḡzon malik asoin.

⁶ Hoqolor Alla qali eqzon, mani behesti baf eqzonu asoin. Tainu hoqolor ufre, hoqolor maze, hoqolor dilo asoin.

⁷ Oile al-Mosie zela tik koria raksoin, hou mafik amra forteqe kas rohomot faisi.

⁸ Erlagi Zobur Shorifo leqa ase,

Tain gia zebra behesto uqila,
ou shomoe bondi oqolre bandia qania nila,
ar tan manshore bout dan dila.

⁹ Te behesto gia uqila, i aeat taki buza zae na ni, age tain duniar tole lamsila.

¹⁰ Ar zein lamsila, tain hoqolta furon qorar lagi, asman taki aro ufre gia uqisoin.

¹¹ Tain manshore ou dan disoin, qoezonre sahabi, qoezonre nobi, qoezonre kush-qobrir toblig, qoezonre zomator imam ar ustad hishabe boail qorsoin.

¹² Tain ila qorar qaron oilo, Allar pak bonda oqole zanu tan ebadot-bondegi qorar lagi zuit oe, ar ou nomunae al-Mosir shoril, zomat hishabe goqia uqe.

¹³ Tan kial oilo, amra hoqole zanu Allar kas maear zon, Ibnullar ufre iman ania, tanre bala qori sinia eqano oi. Ar al-Mosi zela hoqol laqan gune furafur bora, amra-o ola hoqol gune furafur oia kamil oi.

¹⁴ Teu amra ar huruttar laqan roitam nae. Manshe shoetani aqol qataia be-fote nibar lagi manshore ze bul talim dey, ou bul talime zanu amrare fanir aula-zaula qeur laqan du-dila na banae.

¹⁵ Borong amrar dilor mohobbote hok mat matimu, hoḳol nomunae boḳo oia al-Mosir laḳan oimu. Tainu to asta shorilor mata.

¹⁶ Asta shoril omola banail oise, zate shorilor hoḳol ongo zarzir zagat roia mul ḳaeear loge zuḳa lagail roe. Forteḳ ongo zebila ṭik-ṭak kam ḳore, ou shomoe asta shorilu matar bole baḳia uṭe, ar mohobbotor mazdi nizore goḳia tule.

Furan zindegı bodlao, noea o

¹⁷ Erlagi ami amar malikor name tumrare hushiar ḳori diar, bin dormor manshe zela baze sinta ḳoria zindegı ḳaṭain, tumra ar ila zindegı ḳaṭaio na.

¹⁸ Tarar dil to andairor maze foḳi roise. Itar dil gumra, erlagiu tara Allar befare kunta sine na, kunta sinto saeo na, erlagi Allar deoa zindegı taki tara bout duroi.

¹⁹ Tarar bibek oshaḳ oigese, otar dae horhamesha nafaki ḳamor danda ḳore, tara nizor zindegire lagam saḳa bod ḳaishor ato saḳi dise.

²⁰ Oile tumra to al-Mosir befare ilaḳan talim faisao na.

²¹ Tumra nichchoe tan befare huncho, hunia tan loge shorik oia, tan maze ze hok ase, ou hokor talim faisao.

²² Tan talim oilo, finnor furan ḳafoḳ manshe zebila ekkere falai dey, ou laḳan tumrar bitoror furan ‘ami’re ekkebare falai deo, ḳaron ou ‘ami’r bod ḳaishe manshor zindegire borbad ḳorilae.

²³ Er bodla Alla Pakre shuzug deo, tain tumrar dilre noea halote goḳia tuloukka,

²⁴ tan deoa noea 'ami're noea kaforor laġan findo. Ou noea 'ami're ashol hok-forezgari ar fak-fobitro ħoria Allar surote goġa oise.

²⁵ Erlaġi tumra misa mata bad deo, eġe-oinne hasa mato, ħaron amra hoġolu eġe-oinne mishia asi.

²⁶ Rag-gusa ħorleo i ragor laġi guna ħorio na, shuruz dġubar ageu gusar ħota faurilao,

²⁷ Iblis-shoetanre kunu shuzug dio na.

²⁸ Sure tar suri ħora bad deuk, nizor ate halal fote menot ħoria ħana ħauk, zate tar ħaoa-findar badeo gorib-dukire dibar laġi kisu zoma roe.

²⁹ Tumrar mukdi zanu bad ħota na baroe, borong aroġzonor ufoġari talimor laġi bala mat matio, zate ita hunia hunra zonor balai oe.

³⁰ Tumra Allar Pak Ruhre duk dio na, aġeri nazator ag forzonto ou ruh diau Allae tumrare sil-sappoġ maria toisoin.

³¹ Hoġol nomunar birokti bab, mizaz deġani, rag-gusa, sillaiia ħaijja ħora, gala-gali, ar hoġol nomunar ingsha-ninda tumrar ges taki horailao.

³² Borong tumra eġe-oinne doya ħoro, oinnor duke duki o, al-Mosir mazdi Allae zela tumrare maf ħorsoin, tumrao ola eġe-oinnore maf ħoro.

5

Allar nure noea zindeġi ħaġao

¹ Tumra to Allar maear aolad, te fut zela bafor laġan oe, tumrao ola o.

² Al-Mosie zela amrare mohobbot ħorsoin, tumrao ola maea-mohobbotor fote solo. Tain amrare basaita ħori nizor zanre kushboedar kurbanġi hishabe Allar name bilai disoin.

3 Kunu nomunar zina, nafaki ar lub-lalosor kota tumrar maze zanu na huna zae, ƙaron ita ƙam Allar pak bondar lagi ƙik nae.

4 Ar behaea-beijjotir zekunu mat-ƙota, asar-bebohar ba ƙobisi ƙaƙƙa-moshkora zanu tumrar maze na oe, itae tumrare manae na. Itar bodla Allar shukur-guzar ƙoro.

5 Tumra to zano-u, zinakur, nafaƙ ar lalchi manshe, Alla Pak ar al-Mosir bashshair maze kunu zaga faito nae. Itae to eƙ laƙan murtifuza ƙorra.

6 Hushiar roio, misa mat matia ƙeu zanu tumrare be-fote na ney, Allar naforman bonia zera ita bod ƙam ƙore, tarar ufre Allar gozob lame.

7 Tumra ilaƙan manshor loge mishio na,

8 ƙaron tumra age andarir maze taƙleo oƙon to al-Mosir ummot bonia nuror foto aiso. Erlagi Allar nure kamil zone zela zindegir ƙaƙani usit, tumra oula solo.

9 Ar nure solar fol oilo, forezgari, shotota, hoƙol nomunar nek kam.

10 Erlagi ze ƙame malik kushi oin, tumra zasai ƙoria ou ƙam ƙoro.

11 Andair zogotor befaeda ƙamor loge kunu nomunar shomporko rakio na, borong tumra otar dush deƙai deo.

12 Manshe lukaia zeta ƙam ƙoroin, ita befare kunta matao shorom.

13 Nuror mazdi dush deƙaia dilaile ita zaira oizae,

14 ƙaron ou nureu hoƙolta zair ƙore. Erlagi silleƙ ase,

O gumor manush, hozag o,
 mora taki zita o,
 teu al-Mosir nure,
 nurani qoriba tumare.

¹⁵ Tumra sinta-babna qori deko, tumrar salcholon kilakan. Be-aqolor lakan na solia, akoldaror lakan solo.

¹⁶ Nek kam qorar ze shuzug tumrar ato ase, ita shullo-ana qamo lagao, zano to oqonkur zomana karaf.

¹⁷ Erlagiu qoiram, tumra be-aqol bonio na, borong malikor morzire buzo.

¹⁸ Modor nishae tal oio na, itae zindegı noşto qorilae. Borong furafur Pak Ruhur boshe ro,

¹⁹ tumra hamd, qaoali ar Fobitro Zobur Shorifor gozol gaia eke-oinne batchit qoro; tumrar dilor bitre malikor name gozol gao.

²⁰ Hamesha hoqol befare amrar malik Isa al-Mosir name behesti baf Allar shukria adae qoro.

Zamai-bour befare talim

²¹ Al-Mosir ijgot ar qore tumra eke-oinnore dil taki mainno qoro.

²² Tumra zera bou oiso, tumra zela malik Isare mainno qoro, ou lakan zarzir zamaire mainno qoro.

²³ Qaron al-Mosi zela zomator, mani tan shorilor mata, zamaio ola bour mata. Ashole al-Mosiu ou asta shorilor toraneala.

²⁴ Ar zomat zela al-Mosir zimmae ase, oula bou oqolo hoqol befare zamair zimmae roa usit.

²⁵ Tumra zera zamai oiso, huno, al-Mosie zela zomatre mohobbot qorsoin, tik olaqan tumrao

zarzir boure mohobbot qorrio. Tain to zomator lagi tan nazor zan kurbanı disoin.

²⁶ Tan kiał oilo, tain zomatre fobitro qorar lagi, tan kalamor mazdi manshore torikar gusol qoraia,

²⁷ nuror mohimae nazor samne azir qora. Ou shomoe zomator maze kunu qolonkor dag, kut ba ila kuntau roito nae, ita fak-fobitro ar nikut oibo.

²⁸ Erlagi zamaie tar nazor shorilre zela maea qore, tik tar boureo oula maea qora forz. Nazor boure maea qorar mani oilo, nazor shorilre maea qora.

²⁹ Qeu to kunu shomoe tar nazor shorilre ginnae na, hoqoleu zarzir shorilor boron-fushon qore. Ekkere ou laqan, al-Mosieo tan zomator boron-fushon zugain.

³⁰ Qaron amra tan shorilor ongo.

³¹ Allar kalamo leqa ase, "Erlagiu beqainte ma-bafore saqia bour loge taqba, tara duiozon eq shoril oiba."

³² Ikan oilo bout boqo batuni befar, ashole ami to al-Mosi ar tan zomator befare qoiram.

³³ Zai ouk, tumra hoqoleu zarzir boure nazor laqan maea qorrio, ar bou oqoleo zarzir zamaire ijgot qora zorur.

6

Ma-baf ar aolador befare talim

¹ O aolad oqol, malikor morzi mafik tumrar ma-bafor qotamoto solio, ar ola solaqau to usit.

² Allar kalamor foela hukum, ze hukumor loge furushkaror oada ase, iṭa oilo, “Tumar ma-bafore ijgot ḳorio.

³ Teu tumar balai oibo, ar i duniat tumar haeti baṛibo.”

⁴ Te tumra zera huruttar baf oiso, tumrao nizor aoladre sataio na, borong malikor talim ar shringkolar mazdi tarare manush banao.

Gulam ar munibor laḡi talim

⁵ Tumra zera gulam, tumra al-Mosir zela baiddo, oula ḡor ar tazime dile-zane tumrar zogotor munib oḳolor baiddo roio.

⁶ Ḳali manshore kushi ḳorar niote munibor samne baiddo roio na, borong al-Mosir gulam hishabe dile-zane Allar morzi mafik solrae ḳoria tumrar munibor baiddo roio.

⁷ Tumra ikan mono ḳorio na ze, tumra manshor ḳezmot ḳorrae, borong asmani malikor ḳezmot ḳorrae mono ḳoria, zogotor munibor ḳezmoto kialo.

⁸ Mono rakio, malikor ges taki forteḳ manshe zarzir nek kamor furushkar faibo, he gulam ouk ba azad ouk.

⁹ Tumra zera munib, tumrao tumrar gulam oḳolor loge oula bala bebohar ḳoro. Tarare ḡor deḳani bad deo, ḳaron tumra to zano, tara ba tumra hoḳoloru malik eḳzon, tain behesto asoin; tan nozoro hoḳolu shoman.

Allai atiardi Iblisor loge zuddo ḳoro

¹⁰ Hesh-mesh ḳoiram, tumra asmani malikor loge milia roia tan kudroti bole bolala o.

11 Zuddor lagi Allar deoa hoḳol nomunar atiar lagao, teu Iblisor hoḳol sol-soturir birudde mozbut oia ubaitae farbae.

12 Amrar ou zuddo to kunu manshor loge nae, ita oilo andair zogotor hoḳol raza ar tar ḳemotala oḳolor birudde, andair zogotor shoktiala bod ruh oḳolor birudde, ar asmanor Iblis-shoetan dolor birudde.

13 Te ou zuddor lagi tumra Allar deoa hoḳol nomunar atiar findilao, zate Iblise zebila hamla ḳorbo ou shomoe mozbut oia ubaitae faro, ar hesh-mesh tir roitae faro.

14 Erlagi Allai hokikotir belṭ ḳomoro bando, ar buk basanir lagi forezgarir amol dia buk guria raḳo,

15 sifai oḳolor laḳan duio fao-o zuta lagao, zate shantir kush-ḳobri tobligor lagi zuit taḳtae faro.

16 Ar sifai oḳole nizore basanir lagi ze ḳala bebohar ḳore, oula hoḳol shomoe tumra imanor ḳala ato lo, ou ḳala dia Iblisor hoḳol zalail tir nibaitae farbae.

17 Matारे basanir lagi Allar deoa nazat sifair kefor laḳan findilao. Ar Pak Ruhur toluar mani, Allar kalamre mozbut ḳori doro.

18 Pak ruhur bole dile-zane hor-hamesha munazat ḳoro. Erlagi hozag roia hoḳol pak bonda oḳolor lagi shob shomoe munazat ḳorat roio.

19 Amar lagio dua ḳorio, ami ḳota matar bala zanu Allae amar mukor buli zugai dein, zate toblig korar shomoe ami shaosh ḳaṭaia kush-ḳobrir ashol batuni bed manshore buzaitam fari.

20 Ou kush-ḳobri tobligor lagi luar cheindi banda haloteo ami al-Mosir naib hishabe ḳam ḳorram. Te zelor maze roia zelaḳan shaosh

қаҗаиа тоблїг кора зорур, два қорїо, ами зате ола қортам фари.

Bidaei dua

²¹ Amar hal-hokikot kilakan ar amar din-
қал кїла зар, ита amar maear dust Tukik bair
ges taki hunbae. Ein amrar malikor hok-halal
қезмотқари.

²² Ami tanre tumrar gese faailam, tumra tan
muk taki amrar қобора-қобор hunbae, tain gia
tumrаре utshaho diba.

²³ Amrar gaibi baf Alla Pake ar Hozrot Isa al-
Mosie, mumин bai оқолре shanti ar imani maea-
mohobbote raқoukka.

²⁴ Amrar Hozrot Isa al-Mosir lagi zarar dilo қаҗи
mohobbot ase, era hoқolor ufre Allar rohomot
nazil ouk. Amin.

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022
2eb27397-6d35-5c13-b811-aecd7920507c